

## *Yeepi den fu tan ai se* (Mateyesi 28:19, 20)

1. W'e fii bun fu yeepi taa sama,  
toon Yehofa mati tu.  
W'e si kiin taki a waaleiti  
yeepi den fu go'a fesi

*(PIKI A SINGI)*

*Yehofa yee fa w'e begi'i  
fu yeepi den fu tan dini'i.  
Aini a nen fu Yesesi w'e akisi'i  
fu yeepi den fu tan ai se.*

2. Ala dei u begi gi den tu,  
di tesi be'e miti den.  
U du san u poi fu yeepi den.  
Neen Yehofa kibii den.

*(Piki a singi)*

3. W'e begi fu den fitoow Gadu.  
De'm fitoow Yesesi tu.  
Te den du den san' di den leli,  
den'o fende teego libi.

*(Piki a singi)*